

喙

鳴

詩

集

豪鳴詩集目錄卷四

五言古詩

道場禮拜作二首 見道旁山有感

晚泊禹穴下次日入南鎮

自天竺寺入煙霞石屋侍句章家叔

出門

傷金屋

集卞茂卿園

贈李英

初入翰林自述

觀蘭亭圖二首

朝天宮習儀遇雪

雪夜讀莊子

賦得謁帝承明廬 憫農

成甫示遊西山詩奉酬

卧痞

苦熱

時誠

偶作

四明山

杖錫寺作

於廣陵疏告待命作

遊它山

雜詩

送賈德修給事之貴州

送陸給事之大梁封周趙二王

贈許公

贈許沈二史封益楚二

藩二首

贈徐比部

懷沈徵甫

贈棗強令南子章

韓翁

送范原易之南城令

寄懷章邦直學博

苦雨

送董體仁遊嵩山

送蕭希之守夷陵

贈別周民部元孚

送楊公亮使德府因歸省

送范汝益

憶張明成

寄永嘉洪山人從周

翟節婦詩

為張祭酒壽母

鄒選曹奉母歸楚

上書乞歸侍養禱泰山

祠滕邑博士弟子為余助祈賦此以謝

讀二祖實錄

戲用病憐字贈

送謝山人歸延平

宿靈巖寺

讀史

守病

嘯鳴詩集目錄卷四終

喙鳴詩集卷四

四明 沈一貫肩吾 著

五言古詩

曾 孫光燕子翼重校

道場禮拜作二首

哀哀蓼莪淚灑此松楸枝
大招白日暝去來安可
知魂來風淒淒魂去雲
行遲怨憤若丘山不能
充虛幃虛幃卷故練猶
存于中線線斷不可續
練故不可幅妙香頓九
首是名報恩否三春空
復情寸心竟何有

母在萬里近母去一室遠遠遊狗微祿祿在母不
返東海難言深西陽易為晚昔時兒女啼今日人
天飯真侶演妙諦法鼓節清管魚軒莫來御鳳紉
空佇縮色界不可留金天亟當踐

見道旁山有感

均是山水性道旁多苦容鸞鶴無棲影牛羊有遊
蹤山水尚以托而况一微躬朝暾弭歸櫟暮雨占
相風行止不自由飄泊西還東夙期煉丹砂永懷
首山銅一去三十年迴塵埃中在山棲鳳皇今

為繫下桐豈有歲星臣終為滑稽雄

晚泊禹穴下次日入南鎮

落日隋秋水長空半藏碧盪舟遵回浦偃帆投大
澤漸沒沙際葦空見游雲夕松風檻中響桐露枕
上滴日出辨涂澮舍筏理行策木盡天勢寬泉落
溪情窄蘿皆百尺垂苔非一朝積榮落意交眩西
東路咸適玉笥秘可開金庭遠非隔厚德鎮荒維
赫威滿松栢肅瞻棄吾鄙芳芬薦瑶席梅仙如可
邀幽棲鍊雲液

自天竺寺入煙霞石屋侍句章家叔

飛輶發古寺朝陽馬頭出野襟浹香霧寒松細生
瑟雖謝春華榮猶宜野人逸攀叢俯幽谷豁然見
石窟周遭方丈間儼造維摩室谷神應不死空王
豈茲密咏比石門勝和慙謝家姪擔解塵中纓披
捧光明日

出門

上堂別父母下堂別昆
回首妻與女驀然拂征
袂拙耕力不任巧求智
蔽持我獨用心何方不

疑滯嚴霜

永野天秋朔風厲草稀候蟲蟄江夕

泉鴻逝海

四愁積天邊一身細煙帆宿暮雨霜

鍾發曉露歷

覽雖可樂不如守根蒂稻梁足吾謀

匏瓜豈慙繫

傷金屋

三十無一子

安聊自寬終然他家婦且慰天性

歡金屋閣四

同嬉戲良可觀秋風不相惜倏然殞

芳蘭我客異

鄉縣聞此摧心肝展書不能讀一字

一辛酸恩情

既永謝精爽休空干徒令存者傷夢

餘晚更殘幼女南九月稗枝亦春寒天命不可拒
人情自悲歎所嗟日月邁生女猶自難

集下茂卿園

新雷動土脉熙陽悅草性池柳始解窺江梅已堪
贈畫舟醺晴波文茵坐幽徑芳辰生遠思微雲澹
孤興藥標新春奇竹歲隔年淨禽鳥初辭寒關關
語相慶經時守太玄清齋一元命何來歲華情乃
知春感盛酒

送明月林臯自深靜

贈李英

歐楨父侍兒能詩

光絲雖不屬託根仙苓塲系條蜿蜒舉附喬亦自
長老松虬龍古小松鸞鳳翔龍鳳入九霄蜿蜒生
輝光短褐袖風塵之子懷珪璋但令藝九畹幽谷
豈不芳

初入翰林自述

繫余秉微尚夙志在滄洲偶從計偕來謬屬王明
求登君白玉堂燃藜事宜搜上以攬千古俯將窮
九流身依雙龍際足躡三山游辟彼孤生枝託根
倚嵩丘况此盛明年聖主興虞周八方輳才傑傾

都鬱雲浮言
顧佐王略影纓匪徒謀不然志刪述
垂輝耀春秋
變彼弄柔翰壯夫以為羞

觀蘭立

圖二首

駕言適嘉
熙光照繁囿層阿積微綠廣壤暢華
秀遙結山陰
思新泉正堪嗽翡翠陰芳柯晴雲穿
乳竇仰窺大
陶廓俯觀同寓茂蕩槩遠汀薄弄觴
迴波溜舉趾
小上非阻情感時又群英燭亭衢追
趨德所疚進
車鴻衍退保失鷗就邈矣蘭亭人
吾茲獨願厚

昔賢秉高尚瑩情恣歡譁晞髮秦稽陽緩心戲寥
廓日月沉荒丘楸梧不可作風生松下寒月出露
上薄觴咏已無所墨妙虛有托朗清異逝波崇峻
豈移壑彭殤終不齊死生信難度流瀾覽斯圖陳
迹安可樂後者復為誰吾詩堪大噓

朝天宮習儀遇雪

車馬紛相續踉開白玉衢夜半天地合鳴珂上清
都植簡瑤臺巔歲身冰玉壺流目一氣中自疑有
耶無混同五色文但聞萬歲呼剗心朝玉皇具茨

有玄珠

雪夜讀莊子

蓬山絕煩囂清宵列群仙玄言暢高齋恍見南華
旋慮澹世味寡境寂神理全幸無案牘勞曼衍聊
忘年積雪明庭臯素華照瑤編北風收大壑萬籟
方窅然冥心一以觀了然覩真詮便當經崑崙一
訊鴻蒙前長波蕩桂海高風扇冰天豈能守蹢躅
勞勞竟華顛振衣下空階孤月中庭圓

賦得謁帝承明廬

龍游拂重雲鳳翥騰祥麟龍鳳皆有時氣至非待
招穆穆垂衮衣鉚鉚滿天朝石渠發祕文闕下鳴
迴鑣余本丘壑人冥心在漁樵燕雀攀鯢鵬亦來
搏扶搖雖云謝紅塵終然愧青霄小大各有達東
山久相邀

憫農

芒屨垂絳天鬱埃苦相迫田老惜時運荷鋤覘南
陌土壚漏豬潦月離愆天澤灑汗不成潤豈能生
黍稷智者慮卒歲愚夫愛其力不患厲魃熾所患

歲叢積生不逢堯湯豐年苦捐瘠何如公家鴈稻
梁足狼藉

成甫示遊西山詩奉酬

幾人到西山不見西山趣車殆馬復煩但見西山
樹道人廢機心舉足白雲驚飛步送高鴈決皆破
沉霧剎多境屢陳春去僧自住臨流照兩眸吾我
忽焉遇顧見黃金人仰慚白日誤高歌林樾表天
籟非小賦靜者自有真豈需聾耳寤一室吾所專
神往不在屨烟霞枕上得丘壑胸中故君遊洵云

美吾觀幸忘論京邑雖多塵終不染緇素

卧疴

卧疴六十日兩鬢遂有霜秋風吹人骨颯颯毛髮
涼前途自謂遠今意何蒼黃黃河不知清人壽豈
有常青山夢烟蘿江月遶夜床瑤華異松栢一歲
不再芳倒景飛鳥外短翮誰能翔

苦熱

洪爐煮四溟大韞鼓天外中夜循前除斗間失沆
瀣微月不勝火爽芬化游塏深杯未能遣短策信

無賴嗜口既蠅蚋螫尾又蠍螫縱橫兒女啼辛勤
僮僕喟身非金石堅患累陰陽大幸茲駐鞅掌窺
戶時一快

時誠

白日終當匿浮雲豈可親虛負丈夫名終懷兒女
仁去接四方役歸從鷗夷民揮麈談果核持籌筭
倉陳私庭紛縣職喧喧煩四隣一夫擁榮滋四境
不得春豈知銅有臭但解錢為神歛財以為樂多
財翻苦辛不多復不少日夕會佳賓園蔬四五韻

醅漿八九巡閑坐理素琴自稱橘中人此樂可忘
死豈直賤與貧

偶作

陶公偶絲歌為求三徑資到官八十日輒賦歸來
詞五斗尚不顧一物寧肯持種秫三百畝飲者知
為誰田園有松菊桑麻雜然滋醉卧瓷甕間甃甃
鹿與麋身將五柳隱心與孤雲期許由不買山巢
父不鑿池到處即吾處故為隱者師但逢佳山水
感荷主人貽能同遠公飲忍向王弘辭

四明山

余好四明山遂忘千金誠轡轡與日往巉絕甘行
億大闢轡可騁箭廣僕無賴梨州與丹小尚隔流
森外醉舞清冷天嘯歌白雲界疑無后土承獨有
皇天戴驚峰激俯漚巨海縈近紛山院罷鐘磬時
禽喧梵唄緬懷白水人耿襲清風介戾止亦忘歸
歸來懇難再 广音儼

杖錫寺作

須彌自西來犇揚趨震旦
蜿蜒駐此丘遂超東海

岼所以聖諦僧結廬倚天半山月照雪檻溪霞亘
雲棧豈無諸天色浮游座中散凡骨不可仙須藉
名山鍊舉手謝馳輝天地得同撰

於廣陵疏告待命作

少時不知耻妄意求自試中通金閨籍頗窺天下
事曾聞道人語永懷齊物志茹哀歸故輩卜居近
初地何悟夔龍朝曲搜江海閱鳳書入鶴隴當榮
更生悸上割庭闈歡下奪烟霞意去馳他鄉車果
遭野鬼戲遙以一寸心上干主書吏顛回日月光

照燭糞土記是時瑶草衰桐影耳前墜四時獨九
秋邈懷不平思蟲微曲糾繞鴻冥浩翔恣汶汶志
玄牝爻爻營白賁幽貞非一途巢許尚相議吾豈
希若人聊用捐所惴

遊它山

南山煖氣偏九月猶積翠以我烟壑心觸目皆可
意天清歸鳥肅溪白遊魚避雲根上枯水石衣蔽
古寺危巖可捫井怪石每驚魅不緣前山歸偶與
來徑值歡賞有群彥情景信雙媚明月引歸槩烟

霞尚生思

雜詩

凌晨趨嚴朝東日射馬首冠蓋滿道周相逢多執
友君子策高步小人亦顏厚奪我麋鹿心聊備牛
馬走漢史蔡邕筆能慚微祿否嘗疑茲事外更須
謀不朽

送賈德修給事之貴州

輶軒動都莊昧旦追所之負弩護節信候傲喧譁
旗酒簋豈獨薄投卮即修坻朝駕易水涯夕息羅

施維念蠲冕服憂豈伊原隰辭十日光九域蓬艾
非堯思鬼國可復陽天網開三驅簡書信重譯簪
筆麾六師捷飛旦暮至誰信路威遲

送陸給事之大梁封周趙二王

梁王昔全盛席愛驕自恣顧寵不顧已警蹕給嬉
戲漢帝尊東朝保瀾惜鉞刺粟帛恨可追無乃惡
養譬濬枯惟朝家茅土固樹置金枝遍萬國肺腑
咸內比周藩最樂善趙國抑其次豈必齊與魯瘠
土獨近義顯允雲間乎宣朗葆希肆名高伯氏亞

他人絕疇二接鱗濯靈沼比翼撫廣地珥筆陪華
幄康哉讚虞治桐圭帝所欽臨遣勸星使步趾躋
昔遊瓊環絡絲轡醴酒豈不嘉鼎實有隆寄君行
亟來旋指兄樹前幟

贈許公

崑山無韞寶溟海無隱珠時至不見采亮為久遠
輸皖彼蕙蘭花豈不美斯須朝為綺羅珍夕委化
泥塗溫溫彼恭人秋實羸所需和理出其性所寶
恒情殊譬則雙鳳鳴生雛躍天衢生賤未為辱沒

榮良足模

贈許沈二太史封益楚二藩二首

二賢青雲人歛來休瑞繁鳳皇識梧桐振采賁黃
軒逍搖承明廬容與金馬門飀鳴韶音暢群翔羽
儀存秉節恭皇後寶玉寧大藩羽蓋塵符信咸言
皇華尊盱江佇朱鑣鄂渚侯文旛風雲翳六翮湖
海信所騫楚人重高唱客卿發狂言祕珍衆所稀
讀之詎能原卑卑鄒與枚千載汚梁園
遺思在何方月照蓬壺樹直以我俱往念子不可

住王程既鬱紆瓊枝亦交互兩驂並時發分携在
道路江漢思大海况此簡書驚嚴期欣不遐緩我
離腸慕令德崇日新結交貴求故前途邁鱗羽慎
勿滯烏兔

贈徐比部

游子顧白日高樹遺悲風短景屈長路飄飄若沙
蓬曾參仕莒粟祿養不待豐臯魚擁鑣哭悲深捐
微躬天命有餘恨君心將無同獨居悵晨夕掩涕
天地空空懷一尺書爛然照玄宮顯揚聖有謨願

言樹休鴻

懷沈徵甫

故人住青山三年蕨應長江南復首夏幽客饒心
賞遠村微雨綠懸厓返照上桑柘連平楚鷄黍欣
過枉遲子青雲飛夢子江月朗子寧不嗣音媿余
未能往

贈棗強令南子章

聖代搜環異山澤無遺英公車紛射策哲彥儼在
廷卿家本三秦年少豪功名祖父擁大藩世德偉

見稱鳳皇非羽族生雛輒異鳴三年長羽毛五色
如織成往領三輔邑萬里途始營送子及清秋感
喻懷所經佳木貴晚歲花實不並榮庸人狗紛華
君子念篤誠牛刀有往譬尼父莞武城

韓翁

彭祖壽七百老聃文五千流俗難省信古今無妄
傳不見巖穴中乃有羽翼仙素謀隱玄璞祕道要
不煩雲霞為袿服乳竇為飲泉矯足迅千里疾風
不能先無乃韓終子遊嬉閭河壖桂實如棗大啖

食凋後天

送范原易之南城尹

大吏憂責深小吏簿書冗崇庠雖異體情慮本同
悚大吏列城望小吏百里拱勿謂墨綬輕須知黃
紙重嘉生在始藝犁鋤賤非種迅翬辨初羽雲霄
非腹翫無為鮮乃烹有欲龍可董魯人曾貴魴齊
市亦賤踊澤國饒蛟龍今秋盛蒸滷農夫服晚鑄
工女匱先蛹北風送子去南徙若雲聳萊蕪猶范
貧饑饉獨由勇聖主興唐虞循良方見寵

寄懷章邦直學博

天秋白雲寒西來無近遠一葉庭中飛離思忽千
轉側聞群玉山桃李紛正滿川原改化工仙凡隔
涼煖松枝青講堂金聲綠雲燼明月窺戶來始覺
琴書晚君家富詩禮外氏盡冠冕經術小世儒治
事老國典蠖屈師氏屬龍伸弟子撰天意木鐸汝
猶異溝中斷山中未來歸鶴鳴豈能緩

苦雨

浮雲赴何期奔走不得休朝為迅雷驅暮因宿雨

留旱暵始為霍草木皆見求經旬浹重陰恩過翻
為讐造化自迴薄寧與萬物謀愚者空怨咨天心
眇難籌

送董體仁遊嵩山

嵩山信奇秀拔起神州中川巖蘊仁智日月爭西
東象緯羅周觀仙靈呼漢宮鳳巒千丈挺鷺濤百
道通太乙當年時浮丘異日公天心約化國隅外
環人籠松冠挂秋霧蘿衿振暮風含默坐青壁豈
復驅車同

送蕭希之守夷陵

嘉子清時彥來彈漢吏冠朝辭丹鳳樓暮向黃牛
灘美製舊成匹操刀亮非難夙契縶中腸一再臨
遠歎六月煬囂容李實垂金九爽氣生曉輶高吟
曠眉端洞庭浮空盡荆峽隱鳥看積鏤駭天黑裂
練窺日丹幸逢皇塗平此險靜不瀾霸氣無時銷
山川出琅玕南人慣舟楫久客心逾安浮生付篙
師忠信絕異干余亦好奇者神龍耻泥蟠桑蓬雖
枯枝四射髮未乾何當共乘桴雲霄快羽翰手把

紫蒲茸縹緲青雲鸞

贈別周民部元孚

不厭朝與市誰能逆林藪不厭魚與肉誰能甘薤
韭久病諳良藥長離憶初嬾生無騰化術意勝雲
山友吾觀蘧伯玉卷舒一何有寄跡周行間而心
結巖阜莫莫古今道亭亭往來柳心傾車馬前目
成金石後逡巡撫徒御顧瞻別我久蘭蓀藝深谷
臨風悶馨不

送楊公亮使德府因歸省

吾鄉富國琛爾楊森代寶處為鄉曲豪出作巘廊
老君子特達甚人群茂聲早高步倒華影平視卑
清昊輶輶驅萬象芬菲帀五藻小裁不移陰鴻構
靡宿果懸口盡靈詣匠心皆獨抱踐瀛揖群仙引
帆淺三島帝桐翦萬葉天潢瀉重瀨初日瑞獸爐
晨輶赫龍璣親承北辰語往駕東藩道鷓鴣錢行
轂龍蛇搖去葆醴將申穆設毫即鄒枚掃以茲快
遠矚無得恣幽討松猶秦官貴練有吳門縞泗水
徵故講丘山憶初禱還訪穀城石庶邀安期棗浮

淮望秋水適海觀委潦騰波浴元化扶日生太皞
開襟受雄風縱歌激西顥披雲掇靈芽凌烟拾瑤
草息徒里門樹登堂拜家媪朱簾映巾幘瑤觥集
黃皓次第畢起居牽挽諧笑浩恭桑既封藝伐木
更傾倒徒憐歡宴深豈顧瓶罍燥與君幸同枝遺
我如振槁神期行阻索羈繫空悵懌聖明無袞闕
退就庭闈好寄我海樹心綴之錦雲襖

送范汝益

雲鳥無違翼波魚無乖鱗一入臺沼間飛游從主

人莽莽白日高悠悠風與塵駟車杳何許長鞭
海濬海濬未云遠猶此籠中馴鼓翼觸四隅長鳴
負三春洪覆迴九州達生識其真勿言霜霰始日
月無停輪何必胡與越然後為參辰結交十四年
與子同一身飛鴻漸河干幅憶不可陳顓子保明
志萬里猶比隣

憶張明成

世道終不夷大道何坦然所以楊子雲終日守其
玄兒子臂雙彈擊射自稱妍安知晨風翼一舉翔

三千數澤空有畛漠漠如青烟况乃雲與霄畢弋
何篡焉晨興步前除涕淚流重泉悠悠我心悲我
悲悲蒼天

寄永嘉洪山人從周

我思山中人烟霞裊澗戶始顧今已足長往不返
顧氣清湖上曉月淨江心夕步出射堂西謝公有
遺迹安知湖海別便作參商人至今雲陽樹勞心
送餘春何事青山深亦令玄髮白豈待黃金成乃
返童子黑獨手妙丹青白雲閒醉醒怪無一寸絹

剪寄故人庭鷄鳴桃花塢村白劉郎浦仙人非一
人此仙獨堪譜邀君貌此圖醒我雙模糊歲杪逝
鮮縹負薪發丹爐

翟節婦詩

故相石門公孫婦夫
亡不食十九日死

大哉古有死勞生于此休豈不希重生重生將有
謀在義首無適赴死如赴讎終不私七尺以為綱
常羞士也狗特操女乎何所求松柏有貞性閨閤
無常流鴛鴦不隻死連理寧孤稠金石結中腸水
漿非所授伯夷餓山阿龔勝死道周自古偉所聞

今茲見其儔峨峨青陵臺香名聚高丘

為張祭酒壽母

得母字

張君仙人歟來為祭酒心將歲星隱意與名山
友上堂奉慈闈齋心禮諸斗祿養信可尚道高亦
何有綠鬢浮寶珠華勝垂白首冰雪淨膚理烟霞
穿腋肘屢舞青天低高歌碧雲厚玉檢發太乙金
籙紀陽九邈於混元中始稱甲子壽雙成間笙簧
飛瓊弄瑰玖青鳥馭娑來年年拜王母

鄒選曹奉母歸楚

握蘭有斯人玉樹生春風方資持鏡力忽高御輿
蹤阿母西方人暫來崑崙崙東瓊花鬱葱徭瑤枝颯
玲瓏皇家溥恩霈封綸出天宮歸來瀟湘間疑與
星漢通蒼螭翼桂舫彩蠲浮青穹於焉歡彩服樂
意安可窮

上書乞歸侍養禱泰山祠滕邑博士弟子為
余助祈賦此以謝

古人一日養不以三公換此惟嬰兒心而非異人
撰長懷舞斑樂緬怯驅車倦山川三月行寒喧千

里變途中季子裘膝下黃香扇將心托夢魂迢迢
安可見沉疴伏病瘵小憩滕人縣洒血題封函入
奏明光殿意亟道自遠人窮語方賤靈壇肅禋禱
禴藻寧溪澗禮義舊成俗紳修助明薦乃知寓內
心豈異闡中戀感激再三泣投書謝諸彥人情苟
如此天意應可辨旦晚飛驛書恩俞副遐盼放舟
下淮流庶以蠲憂患

讀 二祖實錄

大哉聖人事配天豈偶然大漠浸萬物豈直雨露

偏精心運宇宙智者或普焉獨與神化俱一瞬衍
萬年巨物誠難持永歷豈易延繼代有茲德八百
詎足言

戲用病憐字贈

昔作並頭蓮今為同病憐共登交讓木齊赴并流
泉不照孤鸞鏡寧彈獨鶴絃佛為龐老佛仙作吳
家仙

送謝山人歸延平

謝君青冥人布衣傲湖海條來觀萍蕩長嘯春風

改候月凌山閣四面清光在談禪歸湖寺林際雙
峰待一展騰萬仞翩如孤鴻騫崑崙發三絡掌上
救中原智竊造化機巧奪山川魂昔人賦黃鵠一
舉識紆曲靈羽何從來秋風鳴翩翩又御孤雲返
斜陽滿幽谷不淺相知心別離絃上音王臺有慈
父一去先飛禽獨余守蘿薜抱甕江之深諸峰發
清夢槎牙若為尋

宿靈巖寺

不因牛役勞安所過名山一酌清冷水言洗紅塵

顏春到樹能低有如飲潺湲夕磬乘風去豈其西
度關佛界澹一色客來苔始斑天明我當發孤僧
方自還

讀史

漢皇誅匈奴嘗膏百萬師鳴鐘清渭間乃在元成
時唐帝事遼左歸來悔已遲胡為八十翁飛騰總
章期攻堅難為功摧枯易見奇豈其耀絕靈實乃
席勝基自古循有環當知平階陂利器不可挾神
物誰能持二后開明堂賜賜賓四夷吁嗟日中睨

山
大業潛凋虧所以聖人心念我玄髮絲謗書滿篋
尚相信終不移惜哉赤符主猶興薏苡疑卓矣五
湖子扁舟逃鵩夷

守病

守病等因緣無為含酸淒當知故園夕亦有寒蟬
啼兼燭照日入還山捐世迷春風兩蝴蝶枕上飛
東西離摩一斗室諸天為之低但恐鼠齧徑猶成
桃李蹊一慙兒子容終身愧山妻

曝鵑詩集卷四終

喙鳴詩集目錄卷五

五言古詩

小雨登樓作

寄王忠伯

步月戲成

徐王墓

宿州北界閔子墓

謁孟子廟

讀鄒縣誌

剪衣曲

搖牙

客從雪中來

七夕獨坐

六十八歲作

撫庭槐憶徐文貞公

有序

朱顏曲

馬嵬驛

南山陞

偶成四首

贈金伯庚

北海

神力

送秦鴻甲辰閏九月廿一日

又送

虎食豹

觀房杜二公遺墨

新婦

歸歟辭十一首

侯霖

苦熱

寄汪長文

箭步

有會作二首

二十字母詩

戲作離合字

喙鳴詩集目錄卷五終

喙鳴詩集

目錄卷五

二

喙鳴詩集卷五

四明 沈一貫肩吾 著

五言古詩

曾 孫光燕子翼重校

小雨登樓作

入春人事乖天心渾未動四境將三月二麥虛寸隴
昨宵聞溟濛小雨蘓翦茸詰旦登高樓凝流接
蹄踵似膏滋土脉如鍼決地孔捐隍庶可拔望霓
意逾聳九關方一開危情得無恐誰疏河漢流坐
見江湖湧

寄王忠伯

緬懷彼伊人性長莫能短震動天子顏一行不顧
返胡兒飯人天草深絕秋踐亭午伸眠腰起視群
鴉晚塞馬任來去此翁福非淺追思白虎直素縑
不能展

步月戲成

羿射落九鳥不能傷兔毛其妻識此意懷藥從空
逃寶鏡懸胸前霜威薄征袍洞靈八極外豈是區
區豪善射不得死不死在碧桃王母吹玉笙五女

彈雲璈於日終有長於月終不凋

徐王墓

在夾溝驛北高皇后父母葬所

徐王何人哉東床起真龍一滌千古穢道與開闢
同八荒既入馭歸來歌大風白楊正蕭蕭此翁息
何叢追以山河名培之若堂封可憐無餘子隣家
有兒童翁媪曾提携一氣能相通至今領祠官歲
歲羞潔豐嘗讀西漢紀篇端稱呂公

宿州北界閔子墓

道旁閔子墓亦稱閔子鄉閔子魯國人此名安可

詳至孝蒸天地流英照八荒豈其聖賢徒必在鄒
魯方偉矣徐僮人宜其溫且良

謁孟子廟

于役逕適往道出鄒人鄉翼如啟飛闥下車一徧
徭拂拂庇清塵入門松柏香齋厨靚且潔閤宮帶
長廊引贊二三子肅事儼在行主人解重道許客
窺門墻去聖雖千載願與樂正芳

讀鄒縣志

鄒人誌其邑簡帙何寥寥豈無挾天人綴點到風

謠我愛此方十一含華未成雕語在七篇中日月相
為昭

剪衣曲

為郎剪衣裳
量窄與寬稱
身亦易裁
所嗟稱心
難新綿憎太熱
故綿憎太寒
安得新故勻
長奉君
子歡

搖牙

不聞林中鳥
啾啾予禮數
羞不聞江際
雲怪予語周
遮春風吹醉
舞弁頻交加
興來時一鳴
賦詩賞

寒花昨夜落一齒今朝搖兩牙脫誤老人事安得
無咎訝結束勞我生畏譏復逃譁精移白日喪言
息生之涯嗥號溪谷間猛虎據地嗟此物亦易與
吾聞之僧伽

客從雪中來

誰能同一氣霏雪慘亦佳正值千岷枯艷此六出
花覩子慰我饑歸來自天涯申戒堂前人奔趨靜
煩哇別久且為歡無勞歎與嗟天命有鳬鶴吾道
惟龍蛇何必山與林空中鳥之家比隣征戰夫五

年一回車青雲意氣豪終慙老袈裟

佳字杜詩喜晴
曾用入麻韵

七夕獨坐

蹀躞天津橋輪蹄驟無數寧知烏鵲毛獨待牛郎
渡介石貞不移浮槎安所駐終宵遷七襄憑誰託
縑素落月黯台憐何煩風雨妬

六十八歲作

人生無根蒂六年但期願我今六十八晨光射園
葵即諧滿百心祇增顏氏悲執御幾何時反袂將
在茲欣生戚已謝性定命不移洗心付逝川晝夜

長流漸齋前四從人頗閑僅約詞修也鮮應門後
先堪不疲明悟三乘語誦之快吾羈德乎及鳳子
鞅掌無所為步出東西疇一杖聊扶持越鷄固不
卯畏壘真吾師

撫庭槐憶徐文貞公有序

余京中一邸嘉靖間徐文貞公故居也數槐
存焉雖甚婆娑而生意未盡於此焉賦

終宵耿無寐安得周公來空以雙履聲踐破蒼蒼
苔屢呼輿人前祇候闔門開落落周廬火嘒嘒晨

星偕誰能驅疲駑空上黃金臺揮涕不到天虛言
固成灰致君信無術救時良有才歸視庭中陰歎
息惟高槐

朱顏曲

朱顏非自換良為篋鏡欺篋鏡終不發朱顏終不
移歌罷月在梁影落闌干垂感君明月心不棄秋
風姿猶記覆耳髮挂君飄纓髭宛轉結不解煩君
立移時

馬嵬驛

浪稱男兒生苦樂由自己嘗聞萬乘尊不能庇桃李矧此同心歡三昧秀連理迴宵作晝游催冬送春喜賜浴驪山下嬌持未能起若為馬嵬道游環挂文履殘妝淚鵲鳩羽衣舞山鬼為歡幾何時掩泣亦彈指既忍傾城國難期委敵徒蒼涼長生殿黯然付流水

南山隱

卓彼南山隱脩然一絕代飲水飯澗草遊游無鹿內虞從何方來掩以游蒙蓋羽翎坐銷毀顏金一歲

腫噲叫天天不言訴地地莫對靈脩忽如遺餘子
復奚賴吾命故有造物非所逮請問造物初所
造亦安在無虞水火傷庸為譏稱介大鵬雖翦翮
吾猶謂之大

偶成四首

催耕盛慙慙委黍特狼戾婦愚信無知鼠老亦當
計有口不自營寧識謀年歲周鼎鑄馬履留以瞻
陽燧委黍鼠婦也

訴冤大覺前笑天破黃金口今昨無是非是非日生

有養交獵浮名是名不能久息交謝浮名是名亦
名否堯舜讓天下燕噲從之醜老子與韓非一傳
相尾首

長沙何云遠湘流何云深嗟此白雲中古來有知
音愁絕鴻鴈天歎息撫素琴當時採芳意謳歌至
于今白髮隨肩盡丹砂不可尋

杞人豈其愚天墜亦時有或言天無墜有墜墜當
久或言數苟及死亡十而九相牽入黃爐復誰論
好醜眼見女媧氏煉石補柱朽

贈金伯庚

問君何所挾喜氣常津津散帙理幽尚齋心含道
真雲駛月華淡江空風色勻雖無朋知來亦有杯
杓親少與鶴背期老得鷗性馴秦隋自來去長稱
羲皇民

北海

北海有古柏東風吹不青兒孫諸草木伯仲其冥
靈儼然天竺公了無喜愠形不經三千年幽夢何
當醒

神力

朔方有神力潛與玄冥通小敵怯於鷄大敵奔神
龍遶身青赤蛇珥踐四白虹當其馬頭處開闢無
秋蓬不見眼際雲但聞耳後風膽包七尺外精入
三光中左右殪驅虎奔馳竟麼蟲萬方平一律四
時銷五戎韜光澹流水第稱寶劍功何必麒麟畫
市廛喧兒童但慙圯上老逍遙游無終

送泰鴻甲辰閏九月廿一日

曰余奉清門恭承祖考嘉夙從視日月秉志歡雲

霞結髮游人間白頭欣未波炳燭照夜分洞見中
心花萬族忌我仙三彭作吾魔欲擠墜之壑若涉
求其涯裒多須不少益寡須不多謀身既如此謀
國夫如何昭與夷夏平敢於親故頗鴻鵠苦不舉
不能為雀蛇約束神武冠撫摩下澤車思續採芝
咏將酬風木歌何知一袂難滋增岐路嗟白日行
天心白雲飛山阿汝今忝皇命代余吟蓼莪思
數既不怙俗化殊虛訛慎旃載禮法毋令勞玷磨
取則不在遠顧瞻庭中柯駢駢原隰間念我黃髮

蟠

又送

宇宙一畸身更堪別形影日月不照人竭來惚恍
境臣心方戀君臣子復戀親相依以為命行隨車
馬塵

虎食豹

魯有虎食豹何知是嬰兒豈其巖居士乃遜高門
資衽席亦危哉加之纓紉羈不如牧羊子從容而
荷箠咏此三歎息何由見吾師

觀房杜二公遺墨

二儀安可毀二公安可亡道周史闕如性隱文不
意存典辭龍見心偕尺蠖藏白榆天萬里紫微一
低昂謀斷既同術金蘭兼兩忘山高不待峻水激
何能長諒無桃李花照彼蹊路旁托誰緘寶墨至
今有餘香淵潛豈其潛式欽神物光

新婦

種禾取其穡種樹取其植一日為新婦入門耀容
飾三日為主婦上堂撰飲食從此卷長襦當牕事

機織貧富皆有營掃除亦乃職將諧舅姑心欲寬
夫壻責六親乃來誇汝家得婦力寧論東西施澹
然並無色

歸歟辭十一首

三家不可仕九夷寧足居天意不在東聖圖將安
如海桴馳遠情鳳哀想皇初載贄有獲落驅輪竟
蕭疎暮春二三子一笑欣歸歟

貧賤舉能忍富貴翻多愛豈其乾坤廬不及蓬茨
大虎豹雄難馴鳬鷖狎易親浮雲滅蹤跡清風生

一身負暄幽谷底仰視天無塵

達哉逍遙生萬物惟一馬即非鷗鵬真亦為蝴蝶
假濠上何有哉從容儵魚也惠子奮雄談幡幡胡
為者

居心素無磨此日夫何係萬物皆有托一身任來
逝所瞻惟聖俞俯省哀庸隸君恩高泰岱臣節頑
砥礪耗縻增厚顏自免實忠計非熊邈難摹彼兕
曠堪詰雖徂藤蕪期晴門掛新荔

嗟彼雙飛羽翼山林之性長回惶怯繒弋倏忽遺稻

梁延頸入九霄不弄人間吭東風紛桃李誰其領
群芳

夷齊自有粟周德空膏腴安知百物嘉所揆性不
汙西岡靜悲風青雲聳高衢勉栽車馬容攬轡斯
踟躕白日雖近晚迴光良勝無

齧齒驕欲隋欲隋復不訣自非一瞋眩何由與斷
別為渠植根深勁松忍寒節恨不為桃李春風聽
鷓鴣

蜀士信多奇比有鄧謫者逃儒歸于禪非俗亦非

雅自先天民終作蚩蚩野不禮威音王青山獨

瀟洒

鄧內江人

魯女居東隣白髮不嫁人投以雙玉環澹如秋月
新匪石安可轉貞心難縑磷不覩桃花源棄余如
參辰風吹玉笛來萬籟高青旻蓬萊亦不遠欲往
無良

南牕

八途獨坐生群愁散帙未能半日斜風颭

殿何

大江干始歎逝水悠紫燕無遺聲流鶯澹

清秋

丁巳是何日手與昌陽浮榴花將首宿應寄

海西頭

祇擣頭再黑何憂鬢成絲
落日山鳥意啾啾鳴片
時歸計南山巔貞心北
闕睡結戀成陰雲長凝
不能馳涕淚今已竭灑
血良堪悲

僕霖

巖壑僕霖又雲霓來何遲
數延九扈頸迴薄經年
期斗柄衡泰階坐看風
雨時如何謝安石高卧
東山睡

易

雲自西馳海鳥銜碧枝
習習生惠風庶慰

苦熱

夏日空自長日長翻損功揮扇猶軟怯何云治倥
偬夏夜亦豈短遶牀行不窮瀉海入漏孔淵然潛
燭龍晝既衆蠅蚋夜仍紛麼蟲共張利爪吻攢嚙
無瑕可嗟爾最纖廉慘于虎豹雄揮之既不去薰
之詎能空欲往訴帝宰閭闔屯金風將逃山澤深
迢遙絕冥鴻是誰居爾徒據時氣如虹煽彼萬方
赤烹入九鼎紅甘露何年漿水晶何處宮濕天委
長淚寫恨增熱中惟藉一杯酒微吟以從容

寄汪長文

蕙草坐銷歇，桂花生遠愁。
慙負玉貝劒，欲從負局游。
松峻可巢漪，竹寒能修花。
宮卧素節朱果行，金利蘭交惠。
來思為君選，石幽絕頂期。
天老皎月終宵流，目蕩萬古色。
心清四海漚。

箭竿

脇息登箭竿，僕夫縮如蚓。
眼窺大闌山，飛雲此中盡。
因云王可交，一舟向空隕。
偈天白日低，暑薄清風緊。
靈氣含不流，呢喃亦成瘴。

有會作二首

嘗讀春秋傳紛紛訟門啟道著耳目前何煩多議
擬既懷責備心又為曲諱語迭加輕與軒豈曰無
譽毀春秋於頁者端不苛若此既名三叛人名者
翻見耻趙許弑君書之非過矣春秋於不肖未
必混混爾不倚聖人辭休傷聖人旨名者名其著
非必是褒予書者書其事美惡偶同耳斯民三代
民事傳衮鉞舉錡兩一字間碎瑣非大理聖人聲
為律後人以例起從後度聖人泰山撼虬蟻

聖人刪詩書其旨如春秋存其著明者刪其不足
收好惡在人心無俟深討求兩存而互諷從違獲
所由世間不美事倍蓰於嘉猷存美削不美安得
皆虞周世間懲艾心倍蓰於勸酬孤勸不獨行兼
懲良始憂此理甚明直不必曲轉喉聖人無擇言
謂口不起羞安能使今古頑鍊皆精鏐

二十十字母詩

蟬螭踏大堤
叮顛分風發芳菲
分番雲容玉案婉

因烟霧紋晚

微

文晚

欣携湖海豪

欣軒

刑賢高歌競

金谷

京堅

青

草簇鞦韆

清千

真珠照轉燭真檀新

松消素雪

新錫

延暮莽鳴綿蠻

民綿

如爾荏苒人然

鬢病悲半斑

賓邊

零露漉亂流

零連

春潮暢重城

陳纏

稱嬋綺琴肯繾綣

輕牽

琵琶翩蓬萍

騁偏

平便樹濕生

山色

申羶

神禪濤湍吞塔影

汀天

裊娜寧泥儂

寧年

醉

將躁嗟靜

精箋

字母有三十如中原讀法二十而足矣韵略易

通所載詩云東風破早梅向煖一枝開冰雪無

人見春從天上來是也盖中原止有丁顛精箋

民綿寧年真羶賓邊仁然京堅分番文晚此十
母與南音通其餘則平便攝騁偏刑賢攝欣軒
因煙攝寅言輕牽攝擎虔新鮮攝錫涎陳纏攝
稱輝清千攝秦前汀天攝亭田申羶攝神禪零
連攝迎姪比南音省十顧中原音所行者遠且
簡便今依二十字作二十句初學熟此可便翻
切

戲作離合字

明月山山出悲風夕夕多孔鷺亦凡鳥凡鳥還鳳

歌愁心秋轉急斗柄向余斜嬌女辭喬家化為開
草花伐木可成柯決水可成河無人可奈何

喙鳴詩集卷五終